

LE  
PRESERVATIF

CONTRE LA PESTE.

AVEC  
LE MOYEN DE GUÉRIR  
ceux qui en sont affligés.

*Recueilly des escrits des Medecins  
tant anciens que modernes, par  
PIERRE HEVRTAVLT  
Chirurgien Juré à Caen.*

Necessaire à toutes personnes.



A CAEN,  
Chez JEAN DE BALLY, à l'Estape.  
M. DC. XXI.

BRESE VATT

CONTRE LA PESTE

AVC

LE MOYEN DE GARIR

ceux qui en sont atteints

Secours des églises des Ménéziens

tant au sein que dehors, par

Pierre HENRIOT

Chirurgien Jure à Paris

Notable à la Faculté de Médecine



Paris chez la Citoyenne Lesclapart  
au Salon de la République  
à l'entree de la Bibliothèque

A

MONSEIGNEVR

MESSIRE GILLES

ANZERAY SEIGNEVR

de Couruaudon, Saucenay,

Bonne-maison, Hamars, &c.

Conseiller du Roy en ses

Conseils d'Estat & Priué,

& President au Parlement

de Normandie.



MONSEIGNEUR,

*J'ay des obligations à  
toute vostre Maison,  
& tres-particulierement à vous, si  
grandes & tellement indicibles, que  
sans méconter, je ne scaurois auoir*

pour but d'en faire un étalage entier  
 en ce compliment : aussi n'ay-je in-  
 tention que de vous tesmoigner, que  
 ie ne suis pas insensible. Cet hom-  
 mage que ie vous apends, en hu-  
 milité tres-humble, n'est que pour  
 cela (Monseigneur) & en re-  
 cognoissance des infinis bien-faits,  
 dont il vous a tousiours plu que ie  
 fusse redeuable à vostre bonté. C'est  
 un amas des plus belles fleurs, &  
 des meilleures, que nostre professio  
 fournisse contre la peste, & de quel-  
 les i'ay faict un bouquet, pour vous  
 offrir en ceste saison, où il semble  
 que Dieu nous menace en plusieurs  
 lieux, nous touche mesme tres-  
 vüement de ceste verge. Elles sont  
 du fond de la Medecine, & ie n'en

5

ay faict que l'assemblage, & la disposition. Dieu vueille que ce mélange s'accorde si bien à vostre goût, qu'il vous soit suuue ; car par ce moyen, quoy que peut estre moins bon, il sera pourtant selon nostre Hypocrate preferable aux meilleurs, qui se trouuerroient moins agreables. Mon bon-heur & mon aise auront leur comble, si ce petit travail est approuuë de vostre jugement. Quoy qu'il en soit (Monseigneur) ie vous jure que vous l'auiez faict naistre. Sur obligés moy donc (s'il vous plaist) de l'auoir agreable, de le deffendre, & de croire que n'estimant ma vie qu'autant que vous la daignerez animer de vostre bienueillance, tous

mes vœux au Ciel ne seront que  
que pour vostre conseruation, &  
afin que ie puisse demeurer jusques  
au dernier souſpir , comme je ſuis.

**MONSIEGNEVR.**

Vostre tres-humble ; &  
tres-obeïſſant ſeruiteur.

**HEVRTAVLT.**

# TRAICTE

DE LA PESTE.

RECUELLY DES

ESCRITS DES MEDECINS

tant anciens, que

modernes.

*Que c'est que peste?*

CHAP. I.



OMBIEN que ce  
ne soit mon dessein  
de rechercher cu-  
rieusement l'essen-  
ce, les causes, diffe-  
rences & signes de la peste, ny

A iij

de rapporter toutes les opinions & controuerses des Auteurs sur ce subiect : neantmoins ie ne laisseray d'en dire quelque chose, pour l'instruction du jeune Chirurgien : ce que ie tireray des Tescripts tant des anciens que modernes ; & de là ie passeray tant à la preservation que curation de ceste furieuse maladie. La peste donc est vne maladie epidimique, contagieuse & mortelle, prouenant de l'insigne & extraordinaire corruption de l'air ; ayant son siege au cœur, comme son principal subiect, accompagnée de tres-fascheux & pernicieux symptomes.



*Des causes de la peste.*

## CHAP. II.

**T**OUTS les Autheurs ne sont pas d'accord touchant les causes de la peste : car les Theologiens croient que ceste maladie nous est tousiours enuoyée de Dieu, pour chastier nos offenses. Les Astrôlogues estiment qu'elle prouient des mauuaises constellations, & pernicieuse conionction des Astres : telle est selon leur dire la conionction de Mars, Iupiter, & Saturne, dans les signes humains sçauoir Virgo & Gemini. Il y a vne troisieme opinion de ceux

qui disent que la cause de la peste est tellement occulte & cachée qu'elle ne se peut expliquer, & n'est cogneuë qu'à Dieu seul. Quant à la premiere opinion, elle est bonne pour les Theologiens : car à la verité personne ne peut nier que Dieu tres-bon, & tres-puissant, ne darde & n'estance quelquesfois non seulement la peste, mais aussi la famine & la guerre, pour l'enormité de nos pechez, ainsi que tesmoigne la sainte Escri-  
ture en plusieurs lieux. Mais quant à la seconde, s'il est yray que la peste soit excitée des mauuaises constellations, l'air estant vicié & corrompu par icelles, pourquoy les Negeri-

tes (qui sont les peuples qui habitent la region de l'Egypte, proche le fleuve Angire) n'en sont-ils jamais atteints, comme remarque le docte Scaliger, en l'Exerc. 32. contre Cardan? pareillement les Crotonites n'en sont iamais tourmentez. Pour la troisieme opinion, qui est soustenuë par Fernel, elle est tellement refutée par plusieurs, que ce seroit abuser de la patience du Lecteur, de coucher icy les raisons de part & d'autre. Partant il faut admettre vne autre cause de la peste, que les precedentes. Or pour ne meller les choses sacrées avec les prophanes, laissant l'opinion des Theologiens, nous ne recher-

cherons les causes de ce mal  
d'ailleurs que de la Medecine,  
laquelle poursuit seulement les  
causes, qui se peuuent cognoi-  
stre & distinguer, par les sens  
& discours des raisons naturel-  
les. Partant suiuant la plus com-  
mune & probable opinion,  
nous dirons que la vraye & seu-  
le cause de la peste, c'est la  
pourriture. Hypocrate le tes-  
moigne au troisieme liure des  
Epidymies, Sect. 3. I'escriuant  
vne saison pestilente & tres-  
pernicieuse, où il ne recognoist  
autre cause d'icelle que la pu-  
trefaction. Gallien tesmoigne  
la mesme en plusieurs lieux. Et  
c'est aussi l'opinion du tres-  
docte Mercurial en son liure de

la peste, chap. 7. & 8. Non pas  
qu'il s'ensuiue que par tout où  
il y a pourriture, là aussi se trou-  
ue pestilence, mais seulement  
celle qui est grande & insigne,  
comme enseigne Gallien au  
Commentaire sur la premiere  
Sect. du sixiesme des Epidy-  
mies, & autres lieux.

---

*Des differences de la peste.*

CHAP. III.

**L**es differences de peste  
sont ou propres &  
essentielles, ou moins  
propres & accidentelles. Les  
essentielles se doiuent prendre  
du propre subiect de la peste,

qui est le cœur, duquel la perfection despend de trois choses, qui sont comme parties qui le constituent, sçauoir la substance solide, les humeurs, & les esprits. Partant il y aura trois differences premieres, & essentielles, de la peste. La premiere sera Hectique, residante en la substance solide du cœur. L'autre Humorale, ayant son siege aux humeurs. La troisieme Spiritueuse, scise aux esprits. Les differences accidentelles sont presque infinies : mais les principales sont les suiuantes. La premiere est prise de la longueur ou briefueté du temps qu'elle dure: ainsi l'une est briefue, l'autre

tre est de longue durée. La  
seconde se tire du lieu qu'elle  
occupe : car ou elle est vniuer-  
selle , ou particuliere. La trois-  
iesme est prise du lieu de sa ge-  
neration : car ou elle est en-  
gēdrée au pays qu'elle occupe,  
ou elle est apportée d'ailleurs.  
La quatriesme est prise des ad-  
joints , en sorte que la peste  
est quelquefois jointe avec  
quelque fœteur de l'air , autre-  
fois non. Bref quelquefois la  
peste attaque les hōmes, quel-  
quesfois les bestes brutes, &  
ainsi des autres. Voila quant  
aux differences de la peste.

*Des signes de la peste.*

## CHAP. III

**D**es signes de la peste, les vns sont diagnostiqs, les autres prognostiqs. Les signes diagnostiqs, c'est à dire qui montrent la maladie presente, sont les suiuaus; prostration de forces, defaillance de cœur, syncope, vomissement frequent, perte d'appetit, le pouls pour la pluspart est petit, languide & inégal, par fois moderé & semblable aux sains; la respiration difficile, frequente & petite, & souuent arriue vn endormissement & assoupissement, puis l'humeur



l'humour estant renduë acre par pourriture , survient les veilles, resueries & frenesies : la chaleur au toucher est acre & mordicante : le visage est hideux & fort changé , en couleur, consistance , forme & figure. Quelquesfois le charbon, le bubon, le pourpre, & autres corruptions sont adiointes à la peste. Voila quant aux signes diagnostiqs, desquels aucuns conuiennent à certaines especes & differences de peste : car celle qui est seulement aux esprits est sans grande chaleur, sans grande soif , & sans fièvre manifeste ; mais seulement elle est avec deffillance de cœur, ou poux petit & frequent , ou

vomissement continuel, ou veilles & inquietudes. En celle qui est aux humeurs, outre les precedents, les parties externes sont froides, & les internes ardantes. Elle est souuent conjointe avec pustulles, vlceres, bubon, & carboucle. La peste Hectique a deux marques particulieres, sçauoir le poux moderé & semblable aux sains, & n'a nulles paroxismes, la chaleur estant tousiours en mesme estat.

Pour le regard du prognosticq qu'on peut faire de ceux qui sont frappez de peste, celui ne sera à blasmer qui annoncera tousiours mauuais succez; veu que le mal de soy est grand.

& mortel, tant de son essence qu'à raison des accidents, & de la partie affectée: neantmoins d'autant que quelques vns en eschappent & en sont garantis; il ne sera hors de propos de mettre en auant les signes qui donnent esperance de santé, comme aussi ceux qui confirment l'opinion preiugée ordinairement de tous, touchant la mort consecutiue. C'est donc premierement vn grand poinct pour la santé, lorsque le malade a l'esprit rassis & constant, & qu'il trouue bon les viandes qui luy sont présentées. Par l'Aphorisme 33. du deuxiesme liure, si la fiure diminue, s'il est sans grande inquietude & agi-

tation du corps , l'appetit luy demeure , ou estant perdu luy reuient , s'il ne vomit ny les viandes , ny les medicaments cardiaques & antidots , si la faculté naturelle s'espond & se monstre forte , par l'excretion de la matiere pestilente , en produisant plusieurs tumeurs grandes , & suppurantes , principalement aux glandes & emontoires , si les bubons precedent la fiere , cela signifie que le venin est moins furieux , & que nature est maistresse , & victorieuse , chassant loin de soy ce qui luy nuist . Au contraire si le bubon suruient à la fiere , cela est fort dangereux , & mortel , pour la plus part . Dauantage si les

grandes excretions , comme flux de ventre , d'urine , sueur , & hemorrhagie , suruiennent aux iours critiques ; & que le malade se sente aucunement allegé par apres , nous pouuons prononcer vne bonne issue. Voila quand aux signes de la peste.

---

*De la precaution de la peste.*

CHAP. V.

**I**L y a deux moyens de se preseruer du mal contagieux & pestilent : le premier desquels est déclaré par Hypocrate au

deuxiesme liure de la nature humaine, quand il nous admoneste d'inspirer peu vn air estrange, c'est à dire de quicter les pays & regions infectées: & c'est le remede de Rasis, Medecin d'vn Roy d'Arabie, vulgairement appellé l'Ellectuaire des trois aduerbes, d'autant qu'il contient les aduerbes fui-uans; *citò, longè, tardè*, c'est à dire tost, loin, & tard: car à la verité il n'y a plus souuerain remede, que de s'enfuir tost, loin du lieu infecté, & reuenir tard. Le second moyen de se preseruer de la peste, est principalement pour ceux qui sont contraints de demeurer en lieu pestilent: Or cestuy-cy consiste en deux

pointts : L'un de corriger la mauuaise qualité de l'air qui faiçt la peste. L'autre de munir & fortifier, le corps pour resister aux assauts journaliers de la cause agente.

Or pour rectifier l'air, il faut premierement pouruoir à ce qu'on n'amasse point d'ordure aux lieux publics, & particuliers, & s'il y en a, qu'elle soit promptement portée hors de la ville. Les chiens, chats, & autres bestiaux doiuent estre chassez & tuez. Il sera bon de faire du feu avec bois sec qui ne fume point ou peu, & qui sente bon, comme le laurier, geneurier, & autres. Et d'autant que l'on ne peut tousiours

demeurer en vne place, on portera sur foy quelque pomme de senteur, laquelle on flairera souuent, comme pour exemple en Esté.

Prenez des fleurs de nenu-phar, de violettes, & de roses rouges, de chacun vne demie once, des semences de citron, & de coriandre, de tous les sandaux, de chacun deux dragmes, de camphre vn scrupulle, le tout soit pillé, & avec de l'eau rose, & gomme de tragacanth, soit faicte vne pôme. En Hyuer l'on se pourra seruir de la sui uante.

Prenez du stirax & benjoin de chacun demie once, de noix muscade, de giroffes, de bois



d'aloës, de chacun vne dragme, soient tous meslez avec de tres-bon ladanum, ou gomme de tragacanth, & en soit faict vne pomme. Au lieu de pomme l'on peut auoir vn linge trempé en quelque eau de senteur, & enfermé dans vne boüette, percée en plusieurs lieux, afin que les vapeurs en exhallent continuellement. Aucuns approuuent grandement vne petite esponge imbibée d'huile d'aspic, & portée dans vne boüette, principalement en Hyuer.

Quant au moyen de fortifier le subiect, à ce qu'il resiste à la qualité, & malignité de l'air, il sera obtenu par regime de vi-

ure, tendant plustost à desseicher que humecter, & par médicaments purgatifs & alteratifs. La purgation sera ordonnée par le docte Medecin, ce qui se doit faire prudemment, éuitant les médicaments violents. Sur tous autres les pilulles de Ruffus sont fort propres & recommandées, non seulement pour la préservation de ceste maladie, mais aussi pour la curation. Elles sont composées d'aloës hepatic, d'ammoniac choisi, de chacun deux dragmes, myrrhe choisie vne dragme, avec de tres-bon vin soient faictes pilulles. La dose est depuis demie dragme jusques à vne dragme, vne heure

auant le repas.

L'alteration se faict par les medicaments qui fortifient le cœur, & oppugnent la peste, tant par leur qualité & propriété occulte de toute leur substance, que par leur qualité euidente & manifeste, tels sont les remedes suiuaus.

Prenez de bonne theriaque, trois onces, racine de tormentille, semences de genieure, & de chardon benist, de chacun dragme & demie, bol armene preparé, demy once, poudres de l'Ellectuaire de *geminis*, & de *dia marguaritū frigidum*. de chacū vn scrupulle, semence d'ozeille, racleure d'iuoire, coral rouge, de chacun vne dragme,

avec sirop de Pescorce, & suc de citron, soit faict 'electuaire, en forme d'opiate. De ceste composition, il en faut prendre tous les matins la grosseur d'une auellaine, avec de l'eau rose, ou de vinette & endiue, ou avec vn peu de vianigre, & force eau de fontaine. Autre Antidote du puissant & sçauant Roy Mytridates, lequel fut trouué apres sa mort dans son cabinet, escrit de sa main, contre la peste & tous venins.

Prenez deux noix seiches, deux figues, vingt fueilles de rhuë, & vn grain de sel, pillez le tout ensemble, & en faictes pilules de la grosseur d'une peti-

te noix, que vous imbiberez d'eau rose ou vinaigre rosat, & les prendrez trois heures avant manger. Autre preseruatif.

Prenez racines de quintefeuille, tormentille, angelique, gentiane, de chacun quatre onces, zedoüaire deux onces, iris demie once, escorce de citron vne once, graine de genieure trois dragmes, conserues de roses, & de borrages de chacun deux onces, rhuë, & chardon benist de chacun deux poignées, bol fin lauë en eau rose vne once & demie, incorporez le tout, en forme d'electuaire avec du suc de vinette, & du sucre, dequoy vous prendrez le

matin la grosseur d'une noisette. Au lieu des compositions susdictes, vous pourrez vser de theriaque, de mithridat, de l'electuaire de bolo, & de la poudre de besouard, de bol armene, & de la terre seellée, dissouds dans quelques eaux cordialles, comme de chardon benist, de scabieuse, d'ozeille, & autres: Ou dans du vin blanc quand il n'y a point de fièvre. La pluspart des Autheurs approuuent grandement le mercure, ou vif argent porté dans vne casse de plume, pendue au col, & bien bouchée de cire d'Espagne.

Dauantage la seignée fera très-vtile pour empescher la

pourriture, causée par l'abondance du sang, le corps ayant esté préparé auparauant: & s'il y a quelque empeschement, l'on pourra se seruir au lieu d'icelle, de ventouses, avec scarification & sangsuës. Les cauterres sont aussi grandement loüez en la precaution de la peste, d'autant qu'ils sont emissaires & esgouts de tout le corps, par lesquels les humeurs se vident peu à peu ainsi qu'elles s'accumassent.

*De la cure de la peste.*

## C H A P. VI.

**D**Es remedes qui ser-  
uent à la curation de la  
peste, aucuns sont in-  
ternes qui sont pris par dedans:  
les autres sont externes, qui  
s'appliquent exterieurement,  
sur certaines parties du corps.  
Les internes se peuuent pren-  
dre en beaucoup de sortes; mais  
entre tous les alexiteres du ve-  
nin pestiferé le theriaque &  
mythridat, tiennent le premier  
lieu, comme estans recogneus  
resister à la malice du venin, en  
fortifiant le cœur &, generale-  
ment tous les esprits, pris par  
dedans,



dedans, à la grosseur d'une febue, trois ou quatre heures avant le repas, prouoquent la sueur doucement, aident la chaleur naturelle, à repousser le venin, du centre à la circonference. Que si la fièvre est violente, on pourra mesler le theriaque ou mithridat, en la façon suiuite.

Prenez theriaque vne drame, dissoluez-la en eau de scabieuse, & vinaigre, de chacun trois onces, faites-en vn breuuage, que vous prendrez deux heures deuant le repas. L'on compose aussi vn bol ou opiate, en la maniere suiuite. Prenez conserue de violettes, & de melisse, de chacun demie

dragme, theriaque & mithridat  
de chacun demy scrupulle, ra-  
cleure d'yuoire, corail rouge,  
perles preparées, de chacun  
trois grains, escorce de citron  
confite demie dragme, soit faict  
bol, duquel on prendra la gros-  
seur d'une petite noisette,  
quelque temps avant le re-  
pas. Autre.

Prenez de la cōfectiō d'alcker-  
mes & de hiacinthe, de chacune  
demie dragme, *dia margaritum*  
*frigidum*, de la raclure d'yuoire  
& corne de cerf bruslée, de cha-  
cun demie dragme, eau de  
vlmarie ou reine des prés, & de  
scabieuse, de chacun vne once  
& demie, sirop de limons vne  
once, soit faicte potion que l'on

prendra trois heures auant le repas. Pour prouoquer la sueur on prepare vne eau en la façon suiuiante.

Prenez des racines de gentiane & cyperus, de chacun trois dragmes, chardon benist, pimpinelle, de chacun vne poignée, semence d'ozeille sauuage & de *morsus diaboli*, de chacun deux pugilles ou pincées, des graines de lierre & de genieure, de chacun demie once, des fleurs de buglosse violettes & de roses rouges, de chacun deux pincées; le tout soit mis en poudre grossièrement, puis le ferez tremper en vin blanc & eau rose par l'espace d'vne nuit seulement, puis

on y adiouſtera du bol armene  
vne once, theriaque demie on-  
ce, cela faiſt on diſtillera tout  
au bain marie, & on le gardera  
en vne fiole de verre bien bou-  
chée, & lors qu'on en voudra  
prendre, on y mettra vn bien  
peu de canelle, & de ſaffran; &  
ſi le malade eſt delicat, on y ad-  
iouſtera du ſuccre. La doſe  
ſera de ſix onces aux robuſtes,  
trois aux moyens, & aux deli-  
cats deux. Et Payant priſe il ſe  
faut promener vn peu, puis  
ſ'aller coucher, & ſe bien cou-  
rir pour ſe faire ſuer.

Le ſieur de la Minorité,  
Gentil-homme demeurant pro-  
che d'Auranches, aſſeure auoir  
preſerué, & guery pluſieurs

personnes de la peste, par le remede suiuant.

Prenez deux dragmes d'ellebore noir, bien pillées, & les mettez en vn linge net à tremper dans vne pinte d'eau de vie, par l'espace de vingt quatre heures, puis pressez le marc dudit ellebore, dans ladicte eau & le iettez, puis y adioustez de canelle, de galangal, d'enulle campane, de chacun deux dragmes, de girofles, de gingembre, de zedoüaire, gentiane, poiure long, muscade, angelique, de chacun vne dragme, besouard demie dragme, faut piller toutes ces drogues, puis les mettre avec l'eau de vie, & les y laisser. La dose est vne

cueillerée, qu'il faut donner au malade lors qu'il se sent frappé de la peste, & luy prouoquer la sueur: mais quand il est pris pour preseruatif, il n'en faut prédre qu'une demie cueillerée.

Les remedes externes sont comme epithemes, linimens & cataplasmes, l'on pourra preparer vn epitheme en la façon suiuant.

Prenez des eaux de roses & buglosse, de chacun vne once & demie, vinaigre rosat deux onces, poudres des trois sandaux, camphre, de chacun deux scrupulles, safran vn scrupulle, soient meslez & en soit faict epitheme, qui sera appliqué à la région du cœur.

## DE LA PESTE.

Quand l'ardeur est violente Pon  
se pourra seruir du suiuant.

Prenez des eaux de roses &  
de violettes, de nenuphar & de  
buglossede chacun trois onces,  
eau de plâtain, & vinaigre rosat,  
de chacun 2. onces, poudre de  
tous les sâdaux, corail blâc & de  
rouge, roses rouges, de chacun  
vne dragme, escorce de citron  
demie dragme, soient pulueri-  
sez & meslez, & en soit faict  
epitheme. Apres l'application  
des epithemes, Pon pourra vser  
d'vn liniment comme il s'en-  
suit:

Prenez de la poudre de di-  
ctame & de tormétille, de cha-  
cun demie dragme, de scor-  
dium vn scrupulle, de tous les

sandaux, de chacun demy scrupulle, avec huile rosat soit faict liniment, à la region du cœur.

Voila quant aux remedes externes qui se doiuent appliquer au commencement : pour ceux que l'on applique au bubon & antrax, il en sera parlé en son lieu.

Pour la seignée & purgation, le Chirurgien se gardera de l'administrer sans le conseil d'un tres-prudent & expert Medecin: veu mesmes qu'il y a de grandes disputes entre les Autheurs touchant ces remedes. Mais laissant de present toutes les raisons que l'on pourroit produire de part & d'autre, il faut (suiuant la plus probable



opinion ) accorder leur debat avec telle distinction , qui est que si la peste est Hectique ou Spiritueuse , il se faut abstenir de toutes les deux : Si elle est Humorale , on les pourra pratiquer avec heureux succez , comme tesmoigne Auicenne au 4. de son Canon , Fen. 1.<sup>re</sup> Traicté 4.<sup>me</sup> Ce qu'on peut aussi colliger de Gallien au Comment. sur le 3.<sup>me</sup> des Epidymies. Il faut ouvrir la veine au commencement du mal, de la basilique : S'il y a bubon ou antrax qui apparaisse , faut ouvrir la plus proche de la tumeur, gardant la rectitude des fibres.

La maniere de viure sera ordonnée par le docte Medecin,

tendant plustost à desseicher  
que humecter, euitant celle qui  
est rare & subtile : car comme  
ainsi soit que le mal abat incon-  
tinent les forces, & faiçt grande  
resolution des esprits, cela ne se  
peut reparer que par les bonnes  
nourritures, joinçt que les dou-  
ces vapeurs qui s'esleuent de la  
viande remplissent les porosi-  
tez du corps, ne donnent lieu  
au mauuais air, & combatant  
celuy qui est ja introduit. Par-  
tant en tout temps, mesmes en  
la vigueur du mal, il faut offrir  
au malade à manger ; & non  
seulement offrir, mais comme  
veut Rasis il le faut cōtraindre  
par force, vueille ou non, pour  
conseruer sa vie, & ce suiuant la

doctrine d'Hypocrate, qui raconte au 3. des Epidymies, que ceux qui ne pouuoient manger par appetit, ains mangeoient par raison & à contre-cœur, eschappoient & les autres mouroient tous. Les viandes dont le malade vsera sont comme perdrix, poulets, mouton, veau & autres, assaisonnées & accommodées (à cause du desgoustement qui accompagne souuent ceste maladie) avec choses acides & aceteuses, pour inciter l'appetit & pour resister à la pourriture tant des viandes que des humeurs, & pour diminuer lardeur de la fiebre: Quant est du boire, encor que cela appar-

tienne à Messieurs les Medecins, comme estant compris sous le regime de viure, neantmoins le Chirurgien en leur absence pourra deffendre le vin si la fieure est ardante, reserué au syncope, auquel temps l'on en pourra vsfer, estant bien trempé de quelque eau refrigerante & cordiale, comme eau rose. Et au lieu du vin conuientront l'oximel, le bouchet ou hypocras d'eau, & les sirops aceteux & cardiaques, que l'on meslera avec decoction de chiendent, de racine d'ozeille & de l'orge. Et en flux de ventre l'on vsfera d'eau ferrée, dans laquelle on adioustera du sirop de grenades ou espine vinette

& julep rosat.

---

*Dis bubon & de sa cure.*

## CHAP. VII.

**L**A nature ayant faict son pouuoir ( aidée des médicaments ) pour se descharger insensiblement de la peste; & n'y pouuant paruenir, en fin elle faict vn dernier effort, & se descharge par vne aposteme que l'on appelle bubon, duquel il faut parler en suite, comme aussi du charbon; veu qu'iceux accidens s'attribuent le nom de peste, de maniere que s'ils n'apparoissent, on ne repute le malade

estre pestiferé, ce qui n'est pas, ains tant le bubon que l'antrax ne sont que symptomes de ceste maladie. Or le bubon s'excite en plusieurs parties & presque en tout le corps; mais principalement aux aînes, aisselles, à la gorge, & à l'enuiron des oreilles, & vaut mieux qu'il apparaisse auant la fièvre qu'après icelle, car cela signifie vne plus grande force de nature. Si tost donc qu'ils se presentent en quelque partie, s'ils viennent comme il faut, c'est à dire en peu de temps, & qu'ils croissent suffisamment, ne r'entrants point, c'est vn grand signe de santé: mais si le contraire arriue c'est mauuais signe. Pource que

souuentesfois nature commence bien de chasser ce qui luy nuist, mais estant empeschée pour quelque cause, elle ne peut accomplir ny mettre à fin ce qu'elle auoit entrepris: alors il faut aider nature, tant par phlebotomie & purgation, comme il appert par le Commentaire de Gallien, que par medicamens topiques, qui ont vertu d'attirer en dehors: ce qui se doit d'autant plustost practiquer que le danger est plus grand; car differant par trop, il y a à craindre le retour de la matiere au dedans, lequel arriuant en vain chercheroit-on des remedes. Parquoy il faut suiure l'opinion de ceux qui au

commencement vsent des attractifs, & reiettent entiere-  
ment les repercusifs. Vray est  
qu'en l'vsage des attractifs il  
faut commencer par les plus  
doux, & finir aux plus forts. Les  
plus doux sont comme l'aneth,  
camomille, melillot, racines de  
lys, semence de lin, & de fœnu-  
grec, de althea, ou guimauues,  
desquels estants cuits en eau on  
en faict fomentation avec  
esponge, ou avec le marc mes-  
me. Le poulmon des animaux  
fraischement tuez, comme de  
mouton, de veau, ou s'ils sont  
froids les reschauffer avec eau  
chaude. Vn jeune coq couppe  
en deux, & à l'instant mesme  
appliqué, ou bien luy plumer le  
cul,



cul, puis le mettre entier & en  
vie sur le bubon, luy serrant le  
bec, afin qu'il attire dauantage:  
Iceluy estant mort faut en re-  
mettre d'autres, jusques à tant  
quenous ayons faict suffisante  
attraction. Ces remedes non  
seulement attirent doucement,  
mais aussi repriment & dissi-  
pent vne partie du venin, en  
appaissant la douleur, qui sou-  
uent est grande en tel cas. De  
pareille vertu sont les liniments  
composez avec huile de lys,  
de camomille, d'aneth, y ad-  
ioustant de la theriaque & du  
mithridat. Si ces remedes ne  
sont suffisants, & qu'il faille  
vser de plus grande attraction,  
alors faut vser de plus forts at-

tractifs, comme de ventouse, laquelle appliquée tirera d'auantage, principalement si auant l'applicatiõ, on frotte la partie de beurre frais ou d'huile de lys, pour la relascher. Quelques vns ordonnent de scarifier vn peu le cuir legerement, si le malade le peut endurer, auant ou apres l'applicatiõ de la ventouse; puis si le malade est impatient de douleur, faut faire succer le sang par des sangsuës. L'on peut creuser vn ou plusieurs oignons, & remplir leur cauité de theriaque ou mithridat, & les faire cuire sous les charbons, puis les piller & en faire emplastre, qui sera appliqué sur le lieu malade. On peut

aussi faire emplastre avec les gommés ammoniac, bdellium, galbanum, opoponax, cire vierge & propolis : ou bien on pourra prendre de l'emplastre de bayes de laurier ou de ce cataplasme.

Prenez de la racine de mauue & de guimaue de chacun vne once, fueilles de mauues & de violettes de chacun vne poignée, estant cuittes & pillées il y faut adiouster du beurre frais demie once, graisse de poulle vne dragme, vieil leuain vne once, huile de camomille & de scorpion ce qu'il en faut, soit fait cataplasme.

Dauantage il fera fort vtile d'appliquer au dessous de la

tumeur quelque vefcicatoire, tant pour donner iffue à vne partie du venin que pour le diuifer, & par ainfi l'amoindrir: telles font les cantharides & mouftarde ou le fuiuant.

Prenez des cantharides demie dragme, de poiure, d'euphorbe de chacun demy fcrupulle, de leuain deux dragmes, mellez & foit faiet vn vefcicatoire. La tumeur eftant fuffifamment accreuë par remedes doibt eftre ou refoluë, ce qui eft de foy très-rare, ou fuppurée, qui eft plus ordinaire: & lors que les fignes de fuppuration feront prefents, on fera l'ouuerture avec la lancette ou cautere potentiel. Et faut re

marquer que comme il n'est pas bon d'ouurer icelles tumeurs, estant encor du tout crües, d'autant que cela irrite davantage & accroist la douleur & inflammation; aussi ne faut-il attendre la parfaicte suppuration, pour le danger du croupissement du venin, d'où continuellement s'essient des vapeurs au cœur, & partant aucuns estiment qu'il faut faire l'ouuerture le, 2. ou 3. iour, de laquelle jaçoit que du commencement, il ne sorte rien que bien peu, neantmoins les iouts suivans la saine & la bouë vuidront.

Si le malade craint le cauteré, on fera vn cataplasme de se-

mence de moustarde, fiente de pigeons ou de chien, avec jus de scabieuse. Or il le faut tenir long temps ouuert, craignant qu'il ne demeure quelque seminaire de virus, qui induiroit vn nouueau mal: & partant faut continuer quelque temps l'usage des digestifs & suppuratifs, & meslant & augmentant peu à peu les deterfifs, & quelques cardiaques & alexiteres, puis l'ulcere mondifié sera remply & en fin cicatrisé avec les remedes ordinaires.

*De la cure du charbon.*

## CHAP. VIII.

**S**ANS m'arrester dauantage à la definition & cause du charbon, je diray seulement, que la matiere dont il est faict est plus acree, bouillante & furieuse que celle du bubon, tesmoin l'escarre qu'il laisse en la partie qu'il occupe, tellement que le cuir ne se peut leuer ny separer de la chair subiacente. Au milieu d'iceluy apparroist quelquesfois vne petite vessie esleuee, quelquesfois non, & croist plustost ou plus tard, selon la malignité & acrimonie de l'humeur, dont

il est engendré. Quoy que ce soit, tout charbon est dangereux & mortel, partant il y faut soigneusement remedier. Paul Aeginette conseille de tirer du sang jusques à deffaillance de cœur, selon les forces du patient & la grandeur du mal.

Que si le charbon est formé il le faut profondement scarifier, & les parties d'enuiron soient frottées de suc de plantain, non pour repousser & repercuter au dedans l'humeur qui accourt à la partie attaquée du charbon, mais pour retarder l'impetuosité de la fluxion, & la fureur de l'inflammation qui causeroit facilement gangrene & mortification de la partie,



ſelon l'aduiſ des Anciens, il n'y a rien de plus propre que de le bruſſer incontinent, ce qui n'eſt faſcheux au malade, d'autant que la chair eſt morte. La fin de bruſſer, comme dict Celſe, eſt lors que l'on commence à ſentir douleur de toutes parts. Si le malade craint le feu, on pourra ſe ſeruir du remede ſuiuant.

Prenez de la chaux viue en poudre vne once, du ſauon mol ce qu'il en faut pour faire vnguent, y adiouſtant vn peu de ſaliue: Il en faut faire vn emplaſtre de la grandeur du mal, l'appliquer & l'y laiſſer deux heures. La crouſte qui

38  
 Suis l'adustion ou brusleure,  
 tombera lors qu'on la gressera  
 d'huile ou de beurre frais. Il y  
 en a d'autres qui appliquent  
 des ventouses avec scarifica-  
 tion, puis des sangsuës ou des  
 volailles en la façon cy deuant  
 dicté. D'autres vsent de medi-  
 camens exulceratifs, faicts avec  
 vn jaune d'œuf, & autant de  
 sel qu'il en peut receuoir, & se  
 doibt renouueller à toute heu-  
 re. Le cinoglosse broyé estaint  
 en brief le charbon, comme  
 aussi la scabieuse & la petite  
 consoulde : tel est aussi l'aloës  
 hepatic, pareillement le leuain  
 meslé avec huile & sel. Quant  
 à l'ulcere qui reste, l'escarre

DE LA PESTE.

59

estant tombée, il sera traicté à la façon des autres.

*Soli Deo honor & gloria.*

